



SA GEMEENTE
SA CONGREGATION



Maandelikse Bybel bespreking

deur Andre Harmzen

Pylvak

Afrikaans is 'n beskrywende taal. Die woordjie "pylvak" verwys na die "reguit laaste deel van 'n baan" waar die deelnemers die wenpaal nader. Dit is 'n ongelooflike ervaring om iemand in die pylvak te sien – dit is baie keer die maak-of-breek van hul hele wedloop en voorbereiding. Ek onthou Wayde van Niekerk se pylvak versnelling om die 400m Olimpiese goue medalje te wen. Hy het 'n fantastiese wedloop gehardloop tot op 300m, maar dit was sy voorbereiding (fiksheid, krag en stamina) wat dit moontlik gemaak het om Michael Johnson se rekord te verbeter na 'n tyd van 43.03 sekondes. Ons kan "pylvak" ook as metafoor gebruik.

As kerk en gelowiges is ons in die pylvak tot Kersfees en die einde van 2018. Ons mikpunt is om 'n ware Christusfees te vier, maar die realiteit is dat ons tyd en voorbereiding nie altyd volgens plan verloop nie. Paulus noem in 2 Timoteus 4:7 dat die aard van die geloofswedloop 'n stryd is. In 2 Korintiërs 11:22-33 gee Paulus 'n opsomming van sy geloofswedloop se voorbereiding. Dit is eers in die pylvak van sy wedloop waar hy besef dat hy sy geloofswedloop nie op eie krag kan voltooi nie. Dit is slegs deur geloof – sy eie vertroue op God en sy beloftes – dat gelowiges die wenstreep kan behaal. Kom ons gaan die pylvak van 2018 in met geloof! Jy ken God. Jy ken sy beloftes en krag. Glo daarin en aanvaar sy redding vir jou lewe. Doen dit en wees voorbereid vir 'n ware Christusfees.

Preek tema vir die maand

deur Andre Harmzen

Advent

Advent is 'n Latynse woord en beteken "aankoms". Dit is die begin van die Kerkjaar en bestaan uit die 4 weke in die pylvak tot Kersfees. Tydens hierdie weke van advent reflekteer Christene op die ware betekenis van Kersdag en berei hulle voor vir die aankoms van Jesus Christus, ons Heer en lewendmaker. Tradisioneel vier baie Christene advent tradisies deur 'n immergroen krans met 5 kerse om die beurt aan te steek. Daar is vier rooikerse wat tydens die vier advent Sondae aangesteek word en hulle simboliseer onderskeidelik: hoop, vrede, liefde en vreugde. Die vyfde kers is 'n wit kers wat in die middel van die krans aangesteek word. Hierdie kers is om die geboorte van Christus se herdenk. SA Gemeente se opset en funksionering is uniek. Ons tydsindeling is anders as die standaard plaaslike gemeente en gevolglik lyk ons advent aanslag ook anders. Ons Kerssangdienste is vroeg vanweë gemeentelede wat Suid Afrika toe gaan vir vakansie. Daarom gaan ons in die volgende paar weke oor Advent reflekteer in voorbereiding vir 'n betekenisvolle Christenfees.

God die Vader het Jesus Christus gestuur om jou te kom kies, ken en roep. Mag jy hierdie advent weer en meer bewus word van sy liefde en nabyheid.





SA GEMEENTE
SA CONGREGATION

IN HIERDIE UITGAWE

MANNE DAG

DAMES NAWEEK

TIENERKAMP


ADVENT AKTIWITEITE

**KALENDER VIR DIE
VOLGENDE 3 MAANDE**

KONTAK ONS

Manne Dag

Saterdag 29 Oktober was weer die dag vir die jaarlikse MoMentum manne konferensie in die Northampton omgewing. Met die aankoms van die manne was dit duidelik dat daar 'n groot verwagting was van wat die dag sou oplewer. Die klem die jaar was hoe ons as manne die mense om jou kan beïnvloed en mentor. Ons het lekker saam koffie gedrink en gesels voor ons in die saal lekker saam gesing en God geloof het. Die drie sprekers was uitstekend. Matt Summerfield het ons toegesprek met die tema "I've got your back...You cannot reach your full potential in Christ without the support of others who have your back, and you have theirs. Why is that the case and how to build life changing relationships". Paul Frost se tema was "Discipling the outsider-What does it mean to disciple people that are different to us" en laastens het Tim Jefferey ons gehelp hoe om dit alles prakties te gaan toe pas met "Accompanying-a Practical guide". Nuwe vriendskappe is gevorm om die tafel besprekings en ou vriendskappe is versterk...daar is niks wat daarby kom as manne van God saamtrek nie!





SA GEMEENTE
SA CONGREGATION

Dames Naweek

Tweede kanse..

Dit was die tema vir vanjaar se Dameskamp waartydens 10 'harts vriendinne' (asook een kostelike baba) vir twee dae by die Frontier Centre in Northamptonshire nes geskrop het.

Onder Lee en Louisa se kreatiewe leiding, het ons leer kralewerk doen en die mooiste juweliersware kon maak. Daar was tussendeur hope tyd vir nog 'n koffie, 'n stuk koek en 'n geselsie.

Lee het "Tweede kanse" met ons bespreek, waar dit in die Bybel voorkom, maar ook in ons eie lewens. God is 'n Vader van vele ontferming, altyd gereed om ons nog 'n kans te bied om ons sondes te bely en ons lewens aan Hom toe te wy. Ons bid vir die krag en genade sodat ons ook aan die mense rondom ons 'n tweede kans kan gee.

Sondag oggend het ons, sneesdoekie in die hand, die fliel "Stilte" geniet, waarna Susan afgesluit het met 'n besondere voorlesing van Die Onse Vader.

Hou die afkondigings dop vir volgende jaar se Dameskamp wat weereens vir Oktober beplan word. Kom kuier saam en neem deel aan 'n splinternuwe handwerk projek!





SA GEMEENTE
SA CONGREGATION

Advent aktiwiteite.



*Maak Kers-
kaartjies vir die
Oupas en Oumas*



*Maak 'n Kers -
ornament*



*Skenk 'n blikkie
kos vir die
kosbank*



*Versier die
Kersboom*



*Maak papier
sneeuwlokkies*



*Bou 'n gemmer-
koekhuisie*

JOHANNES 3:16

*Want so lief het God die wêreld gehad, dat Hy sy eniggebore
Seun gegee het, sodat elkeen wat in Hom glo, nie verlore mag
gaan nie, maar die ewige lewe kan hê.*



*Gaan kyk
Kersliggies*



*Drink
warmsjokolade
met marshmallows*



*Kleur 'n
Kersprent in*



*Gaan uit vir 'n
Kersfees 'treat'*



*Skenk klere en
speelgoed*



*Maak 'n sneeuman
van marshmallows*



SA GEMEENTE
SA CONGREGATION

Advent aktiwiteite



*Draai jou
onderwyser se
geskenk toe*



Bak kerskoekies



*Gooi kleingeld in
'n blikkie vir
liefdadigheid*



*Random act of
kindness day*



Sing Kersliedere



*Gaan stap in die
natuur*

*'n Geseënde Kersfees vir jou, jou gesin en geliefdes. Mag jou huis
gevol wees met omgee, jou hart met liefde en jou lewe met
vreugde. Mag die Nuwe Jaar vir julle seën, geluk en voorspoed
bring met kosbare herinneringe om te koester.*



*Los 'n
verrassing vir die
posman/vrou*



*Deel 5 'candy
canes' uit*



*Deel kerskoekies
met die bure*



*Bel Oupa en Ouma,
of ander familie*



*Lees Jesus se
geboorte verhaal*



*Neem 'n gesinsfoto
voor die Kersboom*



SA GEMEENTE
SA CONGREGATION

KALENDER NOVEMBER 2018

EREDIENSTE IN MIDDELLANDE

4 NOVEMBER OM 10 UUR

18 NOVEMBER OM 10 UUR

KERSDIENS

2 DESEMBER

GASSPREKER. SOP EN BROODJIE KUIER

20 JANUARIE OM 10 UUR.



Kersdiens

Ons Kersdiens is elke jaar 'n baie spesiale geleentheid. Tydens die diens gaan ons die Here loof en aanbid en die wonder herdenk van Jesus se geboorte.

Na die diens gaan ons saam kuier en eet. Die dames sal vroeg oggend die tafels keurig dek, terwyl Flame BBQ vir ons middagete voorberei. Op die spyskaart is heerlike Potjiekos met bygeregte en Malvapoeding as nagereg. Almal bring hul eie drinkgoed. Koop jou kaartjie op die webblad. £10 per volwassene, £5 per kind (3-8 jaar).



SA GEMEENTE
SA CONGREGATION

Tienerkamp

Die SAG se tieners van Noordwyk, Suidwyk, Birmingham en Londenwyk het vir die naweek saamgekuier.

Vrydagaand het maar stadig begin agv die verkeer. Almal was baie opgewonde om mekaar weer te sien. Sommige van die tieners ken mekaar van Soul Survivor en ander van verlede jaar se kamp. Slaap was nie hoog op die prioriteitslys nie want daar is te veel om op te vang. So tussendeur het hulle 'n Suid Afrikaanse film 'Jock of the Bushveld' gekyk en gekuier.

Saterdag na ontbyt het Rudolf met die tieners gepraat oor Josef se lewensverhaal en dit mooi deurgetrek na vandag se moderne lewe. Daarna was dit 'n besige dag met 'high ropes' in die oggend. Ds Ferdi en Ds Andre het kom inloer en boerewors broodjies met tamatiebredie saam met ons geniet.

'Low ropes' het na middag ete gebeur waar die tieners mekaar geterg en uitgedaag het op verskillende rektoue. Hierdie jaar was 'n moddervrye hindernisbaan aangesien daar geen reën of koue was nie. Die dag se aktiwiteite is afgesluit met 'n swemsessie.

Saterdag na almal gesmul aan die hoender, rys en room groente. Daar is lekker gekuier rondom die kampvuur met gebraaide malvalekkers. Van die tieners het heerlijk gesokkie en die wat nie kon nie het vinnig geleer, hulle het ook bekende Afrikaanse liedjies saamgesing. (Die Carroty Wood kamp koordineerder het nog nooit so dansery gesien nie en het gesê dit lyk lekker.) Daar is selfs 'n familie-bed gemaak in die sitkamer. Verskeie films is gekyk en een vir een het hulle aan die slaap geraak.

Na ontbyt het Rudolf voortgegaan met Josef se lewensverhaal. Veral oor gevoelens en gevolge (uit Josef se oogpunt en van sy broers se kant af) en wat die emosionele gevolge kan wees van die ontvanger en die uitdeler.

Die tieners het in die natuur gaan stap tot by 'n 'valskerm skerm'. Daar het hulle lekker saamgesels rondom 2 bakke Haribo's. Nog hout is oppad terug bymekaargemaak vir nog 'n vinnige kampvuur.

Hamburgers en wors is gebraai terwyl daar gekuier en bal geskop is. Te vinnig het die naweek geeëndig en is die tieners een vir een huis toe.

Baie dankie aan elke tiener wat daar was om die naweek so wonderlik te maak.





SA GEMEENTE
SA CONGREGATION

Kontak Andre Harmzen



SA Gemeente Loughton Kerkkantoor
16 Baldocks Road
Theydon Bois
CM16 7EB

Epos: andre@sagemeente.com

Erediens Tye

Ons Eredienste is elke 1e en
3de Sondag van die maand
om 10:00 die oggend.

Adres

Alderbrook School, Blossomfield
Road, Solihull, B91 1SN
(Google Maps)

Kontak Helena



Helena Claassen

Epos: helena@sagemeente.com